



Inatsisartut Suleriaasianni § 36 imm.1 tunngavigalugu Naalakkersuisunut apeqquteqaatit mak-kua apeqquteqaatiginiarpakka:

Nunatsinni pinngortitap pisuussutaanik atuinermi akileraarummik piaartumik eqqussinis-samut tunngatillugu Naalakkersuisunut apeqquteqaatit.

(Inatsisartunut ilaasorta, Jens B. Frederiksen, Demokraatit)

Tunngavigisaq:

Naluneqanngilaq Siumup suliassamisut pilersaarutaasa partiip Naalakkersuisut ilaasortaaitani kiisalu Inatsisartunut ilaasortaaitani pisussaaffilernikuugai pilersaarutitut suliassani allaqqasut tunngavigalugit piviusunngortitsinissamik suliaqassasut.

Ungasinngitsukkut Siumup Ataatsimeersuarnerani partiip anguniagassamisut suliniutissanut o-qaaseqatigiit ukua allanneqarput:

”Aalisarnermik inuutissarsiuteqartut nunatta pisuussutaanik aningaasarsiuteqarnermin-nut atatillugu akiliuteqartassappata pissusissamisuuinnarpoq.”

Ullumikkut Inatsisartuni inissisimanerit agguataarneri tunngavigalugit Siumup Ataatsimeersuar-nermi piumasaaqaatitut allanneqarsimasut ajornaquteqanngitsumik naammassisinnaassagai. Demokraatini taamatullu Siumumi Inatsisartuni ilaasortaaitaat ataatsimoorlutik amerlanerussu-teqareerput, taamaammallu nunatta pisussutaanik atuinermi akiliuteqartalernissaq Inatsisartuni akuersissutigineqarsinnaalluni.

Kiisalu aammattaq Siumut Naalakkersuisuni partiini anginersaavoq, taamaattumillu nunatta pissutaanik atuinermi akileraarusiinissaq angussallugu ajornaquteqarnaviannngilaq, tamannalu piaartumik piviusunngortinneqartariaqarpoq. Siumimmi Naalakkersuisunut ilaasortaaitai taas-sumingga sulissuteqassallutik pisussaaffilerneqarnikuupput.

Tamakkua tunngavigalugit matumuuna Naalakkersuisut apeqquteqaatinut makkununga akissu-teqaqqullugit qinnuigissavakka:

1. Tamanna tunngavigalugu Naalakkersuisut siunnersuut Inatsisartut upernaamut ataatsiminnis-saanut nunatta pinngortitaani pisuussutinik atuinermut akileraarummik eqqussinissaq siuner-taralugu saqqummiunnissaannik pilersaaruteqarpat?
 - a. Saqqummiussissamaanngikkunik; soormitaava, kiisalu Naalakkersuisut taava pilersaaruteqarnerlutik nunatta pinngortitaani pisuussutinik atuinermut akileraarutinik atuinissami aningaasartaanut tunngasut 2009-mut Aningaasatigut inatsisissamut ilanngussinissamik pilersaaruteqarnerlutik?

Apeqquteqaatima makkua tiguneriniit ullut suliffiusut qulit qaangiutsinnagit akissuteqarfigine-qarnissaat kissaatigaara.